

LOGO BAŊA TIGISIM NABIINA ŊWE-LAO WADE

PULIM

De na se we nabiina ŋwea de logo baŋa chega chwoŋa wade maama kugu zege logo maama wopwolo, de chega de yezura baŋa ne.

De na se we de na ba tɔge chega chwoŋa to mo jaane nikantɔgo de tigura de popɔra ko twi nabiina laŋa ne, ye nabiina maama yaa lage se wopwolo de yezura yaa taa wora.

De na se we nɔɔno maama taa tei o tete se tigura de popɔra ye taa wora, fefeo de peenem ŋwaane, se wade sem ja kuri.

De na se we teene maama taa jege wolim, de ni seem de mimɔɔ.

De na se we "UN Charter" tɔno kom paŋe ko se wade sem ŋwea wolim ŋwaane se baara de kaana taa ye bedwe logo ywonni de wopwolo de yezura ŋwaane.

De na se we UN Tigisim teene dem maama ke nimɔɔ se chega chwoŋa wade sem ja kuri nabiina zula de wopwolo ŋwaane.

De ta na se we ko yaa lamma lanyerane se de ni wade sento kuri se ko ja wopwolo de yezura ko ba logo baŋa.

De Laam wo se we

"General Assembly" dem pe

Logo Baŋa Tigisim Wade sem se ko taa ye won-kolo kodoo na wo woli ko ja wopwolo de logo fɔgem de yezura na wo pa nabiina ŋwea taa jege kuri logo baŋa maama ne to.

Wadaa 1

Ba loge nɔɔna maama se ba taa ye bedwe mo ba ŋwea de ba chega seini, ye fefeo teira kɔtaa. We pe ba swa de boboŋa mo se ba taa ye nubiɔ daane ye ba jege da ŋwaŋa.

Wadaa 2

Logo baŋa tigisim wade sem pe chwoŋa se nɔɔno maama taa jege chega chwoŋa na wo pa ba ŋwea taa jege zula to. Wade sem ta we ba ba fee nabiinu o chega chwoŋa ne naa ba cheese o dwi o yetana, o logo lane, o we jɔɔno naa o boboŋa ŋwaane. Wade sem ta we ba ba jege se ba taa cheese nɔɔno we o ye baaro naa kaane, kwoɔ o jejegero naa ba na loge o me to ŋwaane.

Wade sem ta tage se woli da we popɔra ba jege se ka taa wora nabiina laŋa ne ba teo politiksi naa ko wade naa ko na ye kolo to ŋwaane. Naa ba pɔɔre nɔɔno we o nwoŋi teo kolo ta na wo vere ko tete to ŋwaane.

Wadaa 3

Ko ye nɔɔno maama chega chwoŋa mo se o taa ŋwe ye fefeo naa foonee teira.

Wadaa 4

Wadaa kam we nabiin-yeiku naa kabɛ totoŋa naa kabɛ pipio daa ye taa wora logo baŋa ne.

Wadaa 5

Ba ba jege chwoŋa se ba pa nɔɔno yaare cham yerane ko na wo maŋe se nabiinu yaare tei to.

Wadaa 6

Nɔɔno maama ye nabiinu mo o ze paŋ o wo me maama logo baŋa yoba. Logo baŋa wade sem maama yiga ne, wadaa teira na wo ta we o dae nabiinu.

Wadaa 7

Nabiina maama ye bedwe mo wadaa yiga ne. Wadaa choo nɔɔno maama mo; ka ba pɔɔre nɔɔno ka yaga. Ka kwoli nabiina maama mo se wolo wolo ye cheese o dwon.

Wadaa 8

Nɔɔno maama wae o saŋ nɔɔno o dwon kɔɔte delo maama wone nenɛene ko tu na ke o chɔge teo kom wade selo na pa nɔɔno wom ŋwea ywona to.

Wadaa 9

Ba baa wane ba ja nɔɔno yɔɔ yerane ba gare ba ke o peena diga naa ba zeili o o teo ne pa o vo zoora te-gaa ne.

Wadaa 10

Ba na jaane nɔɔno fee wora se ba di o sareya kɔɔte ne lanyerane ko maɲ de teo kom wade na tiɲi tei to ba ni o seene o chɔge naa o wo chɔge.

Wadaa 11

Ba na jaane nɔɔno we o chɔge o maɲe waarem ba na wo di o bora tata ba ba jege chwoɲa ba te we chɔge fee wora se ba pa ko tu chwoɲa se o ja lɔya de sareya tiina se ba woli o se ba di taane dem kɔɔte ne.

Ba baa wane ba ta we nɔɔno yaa ke o chɔge naa ba ta we o ve se o yaa ke kolo na maɲe keim chega chwoɲa ne to, ye ka maɲa ne wadaa yaa teira ko ɲwaane. Ko kwaga ne tata ba baa wane ba pa nɔɔno waarem na dage de dwoi waarem delo dwi o deim yaa na wo jwoɲ o na chɔge maɲa kalo to.

Wadaa 12

Ba ba jege chwoɲa ba daane nɔɔno yɔɔ yerane o boboɲa keiri seini, naa o diga tiina, naa o soɲɔ de o pwola totoɲa seini. Ba nam ba jege chwoɲa ba ke o kekeo kolo na wo chɔge nɔɔno wom yu to. Wadaa kanto choo nɔɔno maama mo o kekeo maama seini, ye daanem teira.

Wadaa 13

Nɔɔno maama wae o beiri o boboɲa na lage tei ye o zoore o boboɲa na lage mɛ maama to, o teo ne.

Nɔɔno maama wae o nwoɲ teo de teo, naa o tete teo ne o beiri o vei teo kodwoɲ ye o jwoora.

Wadaa 14

Nɔɔno wolo maama na nɛ chem o teo ne, o wane o duri o vo o taa zoore sateene dedwonna ne o wopwolo de yezura ɲwaane.

De ko de, o cham dem na dae nenɛɛne politiksi laɲa ne ko wo taa chamma se o duri o nwoɲ. O na chɔge teo kom wade gɛ mo naa o kekeo kom na wo dɛ UN wade sem na maɲe tei to sateene dedwonna baa sɛ de jwoɲ o mɔle mɔle.

Wadaa 15

Nɔɔno maama jege teo, o na nwoɲ mɛ.

Ba baa wane ba zeili nɔɔno o teo ne, naa ba fee o se o ye leiri teo o boboɲa na lage tei to.

Wadaa 16

Baara de kaana na bege ba ti to wae ba di daane ye ba yetana, naa ba na nwoɲ tekolo, naa ba na tɔge Wɛchoɲa kalo dwi to baa wane ko cheɲi ba se ba ye di daane ba lɔ soɲɔ. Ye ba kadiri seini ba maama ma daane, ba zora de ba ɲwea seini, ye ba wae ba yage daane maɲa de maɲa, ba tete boboɲa na lage tei.

Kadiri wio ye baaro de kaane tete yerane na sɛ se ba zo daane, ye ko dae we nɔɔno mo fee ba to.

Soɲɔ tiina - baaro de o kaane de o bu - mo ye sayu kugu takeiri wone. Konto ɲwaane tekeiri dem de teo kom maama jege se ba taa ni ba baɲa ne mo, ba taa choo ba wolwanno maama wone.

Wadaa 17

Nɔɔno maama wae o jege o tete nyɔɔne wonno, naa o de o badwonna wae ba tei wonno daane.

Ba baa wane ba vere nɔɔno wonno naa ba pa se o ye taa lage wonno.

Wadaa 18

Nɔɔno maama wae o boɲ o na lage tei. O wae o ke o boboɲa keiri, o wae o tɔge Wɛchwoɲa kalo dwi o na lage to; o nam ta wae o leiri o Wɛchwoɲa naa o boɲem o yerane naa o de kɔɔɔ, ye o bere nɔɔna Wɛchwoɲa kam o taane de o totoɲa seini.

Wadaa 19

Nɔɔno wae o ɲɔɔne o boboɲa na lage tei. O wae o tɛ kolo maama o na boɲe o yu ne, ye nɔɔno ba jege chwoɲa se o cheɲi o ni. O wae o beiri labaare o boboɲa o daare o pae labaare dwi maama labaare tɔnno de walese bam maama wone se de jage jei mamma.

Wadaa 20

Nccono maama wae o tōge o zoore asemble naa tīgīsīm dwi maama na ye yezura tīgīsīm to.

Ba baa wane ba fee nccono se o zo tīgīsīm delo o na ba lage to.

Wadaa 21

Nccono maama wae o tōge o di o teo gōmente paare; o nam ta wae o tōge o voti o kuri nccona o ke gōmente dem wone.

Nccono maama wae o jwōj wolim delo o teo gōmente na jege de woli de ncconbia maama to, ko ma da ko ma da.

Gōmente maama dam wo taa tōge de ncconbia kwora na we tei to mo. Ncconbia bam kwora kam mo yei ni ka bere ncconbia bam na wo kuri ba gōmente dem paare tiina tei to. Kurim dem jege se ko de voti lao naga mo, se nccono maama voti o bobōja na laga tei to, ye se ko de voti wadaa kam naga chekke.

Wadaa 22

Nccono maama teo gōmente jege se de taa choo o ŋwea laja ne de de dam, de de naduni dedaane de na jege nīmōrō tei de sateene dedwonna to se ko pa nccono wom ŋwea ja kuri se o wane o ji nccono lanyerane.

Wadaa 23

Nccono maama wae o ke totōj; o wae o kuri o bobōja na de totōj delo, ye fee wora se totōj dem taa jege kuri na pa o ywonni de wopwolo ye o ba lia we ba wo zaŋ ba le o totōj dem ne to.

Nccono maama ka, ye ko ba chuli o na ye wolo dwi to, jege se o taa jwōj ŋweo na mae de o totōj dem dam na mae tei to mo.

Wolo maama na toja ko maŋ se o ŋweo taa ye zegere se ko wane ko ni o tete dedaane o diga tiina lanyerane. Ko ta maŋ se o taa ne fee o totōja jei ne.

Nccono maama wae o tōge o zoore totōja jei tīgīsīm yalo na wo woli o o totōja laja seini to.

Wadaa 24

Nccono maama jege chwōja se o taa jege sio de sio maŋa, dedaane hawase bagera o na o ke totōja jei ne to; ye o ta wae o jwōj daa bem wone o jeini sōjō ne o sia ye ba baa le o ŋweo wone.

Wadaa 25

Fee wora se nccono maama taa ŋwe ŋwea na jege kuri ye ka ywoma ka pae o tete de o diga tiina to. Ko maŋe se wodiiru, zora jei, assibita na ni yezura seini to dedaane won-telo maama na wo woli pa se ŋwea taa ywoma to taa wora. Fee ta mo wora se wolim taa wora ko pae nccono maama nenēene o na ba toja, o na weela, naa o na jigi nabwom jaweo ŋwaane, o na ye badeim naa kadeim, o na kwe naa nccono na ye zore tu, o ware se o ni o tete baŋa ne.

Fee wora se ba taa fage ba ni niina de bia baŋa ne lanyerane. Bu maama, o jege kwo yoo o ba jege kwo yoo, ko maŋe se ba ni o baŋe ne mo ba woli o se o ke nccono.

Wadaa 26

Nccono maama jege choja se o ke sikuuli. Sikuuli veija, ko zege prameiri sikuuli ko vo yi Junia Sekondeiri Sikuuli, wo taa ye zēera mo, ye ko ta ye fefeo mo se bu maama vo sikuuli se ko yi konto. Tekenekal Sikuula de totōja berem sikuula nenēene Kōlēja de wo taa wora se balo na wo vo da to vo. Univesiti de sikuula kamuna yadwonna de wo taa wora se balo na paase ba tēesa lanyerane to vo.

Sikuuli veija naa tōn-yeino ye se ko pa nccono swa mo poore se o wane o lōre kolo maama na lana ko pa nabiino se ko ja wopwolo de yezura ko ba to. Ko jege se ko ja nīmōrō de badwōjo mo ko ba de sateene logo baŋa ne, de nabiina dwi maama de wējōna dwi maama se ko zeini logo baŋa tīgīsīm totōja dwi maama na woli logo maama yezura to.

Tiina jege chwōja se ba kuri ba na wo taa lage se ba bia zamese tōnō sikuuli delo dwi wone to.

Wadaa 27

Nccono maama wae o tōge o ke o nabaara kekeo o na lage tei, de keina yadwonna, de "Science" na jaane wodonno telo maama ko ba nabiina jirim naa wolim ŋwaane to.

Nccono maama na popone o tōnō o na yei kolo maama logo lam ŋwaane to, fee wora se ba zeini naa ba woli o se o ne ko maana.

Wadaa 28

"United Nations" nia yanto ye se ko pa nabiino maama logo bana wolim, de wopwolo de yezura mo.

Wadaa 29

Nɔɔno maama jege fee toɔɔa se o ke o na zoore takeiri delo maama ne to se ko pa se o taa ye nɔɔn-ɲwem se o ɲwea ke ywonni.

Nɔɔno fee toɔɔa keiri wone o jege se o de wade sem na lage tei to mo. O ba jege se o ke o gaale naa o ke o choge badwonna wo. O nam ba jege chwoɲa o ke o choge kɔɔɔ ywonni de nɔɔno wopwolo, kɔɔɔ zula ɲwaane.

Nɔɔno maama na toge nabiina ɲwea de logo bana chega chwoɲa wade sento o jege se o toge "United Nations" na lage se ko de tei to mo.

Wadaa 30

Nɔɔno, naa nɔɔna, naa teo ye zaɲ ba boɲe we ba wo wane ba ke woɲo se ko leiri naa ko choge nia yanto ba na tiɲ toɔɔ konto ne to.